

373.1

4-24

Հ Ա Ս Կ Ե Ր Ի

ՄԱՆՈՒԿԱԲԻՄԱԿԱՆ

ՊՐԱԴԱՐԱՆ

420

VII

Պ. ԿԱՊՏԵՐԵԻ

ԸՆՏԱՆԵԿԱՆ ԳԱՍՏԻԱՐԱԿՈՒԹԵԱՆ

ՆՊԱՏԱԿՆԵՐՆ ԵՒ ՀԻՄՈՒՆՔՆԵՐԸ

Թարգմ. ՄԻՍ. ԱՍ

ԹԻՖԼԻՍ

MAR 20 1960  
MAR 20 1960

«ՀԱՍՏԵՐ»-Ի ՄԸՆԿԵԼԱՐԹԵԿԱՆ ԳՐԱԳԵՐԱՆ

370  
2048-40

VII

Պ. ԿՍ. ՊՏՐԵՆ

ԸՆՏԱՆԵԿԱՆ ԴԱՍՏԻԱՐԱԿՈՒԹԵԱՆ

ՆՊԱՏԱԿՆԵՐՆ ԵՒ ՀԻՄՈՒՆՔՆԵՐԸ

1004  
1522  
373.1  
4-24  
08

Թարգմ. ՄԻՍ. ԱՍ.



ԹԻՖԼԻՍ

Տպարան «Հերմես» Մաղաթեան փողոց № 5  
1906 (225)

17.05.2013

52.135



Ընտանեկան դատարարական արհեստագիտական  
թիւնը եւ նրա տեսակները:

Եթէ դիմելու լինենք զանազան ազգերի ընտանեկան կրթութեան պատմութեանը, այնտեղ կընկատենք մի ընտրող գիծ, որ իբրև մի թել համարեա անընդհատ անցնում է պատմութեան ամբողջ ընթացքով. այդ գիծն է ընտանեկան կրթութեան արհեստակցանութիւնը, որ արտայայտուել է շատ ղէպերբում և անազին ազգեցութիւն արել ընտանիքի գործունէութեան վրա:

Վայրենի և կիսավայրենի ցեղերի մանկավարժութիւնը իր իսկական էութեամբ սահմանափակուել է միայն մանուկների մարմնի մասին հոգ տանելով, և այդ հոգատարութիւնն եղել է ինքնօրինակ: Նրանք մարդկային մարմնի գործարաններն ենթարկում էին փոփոխութեան, և իւրաքանչիւր ցեղ այդ փոփոխութիւնը կատարում էր զեղեցկութեան մասին ունեցած իր իղէալի համաձայն: Մի քանի ցեղերի դուր չէր գալիս մարդու գլխի բնական ձևը, և նրանք աշխատում էին զանգին շաքարի գլխի նման սրածայր ձև տալ. այդ իրանց համար ցանկալի ձևը տալու համար գործադրում էին չափազանց չարատանջ միջոց. նորածին

մանկան զանգը աստիճանաբար և անընդհատ ամուր սեղմում էին տախտակներով: Այդ ցեղերից ումանց դուր չէր գալիս Իսկանճների բնական ձևը. նրանք ձգում էին ականճները և ահագին մեծութեան հասցնում, մինչև ուսերը. ուրիշները պոկոտում էին աչքերի արտևանունքը, կամ գլխի սանդրեւածքներին տալիս էին տաքօրինակ և չափազանց անյարմար ձև: Գեղեցկութեան համար ջարդում էին առաջին ատամներից մի քանիսը. մարմինները դաջում և նաշխում էին. ոտները փոքրացնելու համար ամուր կապկպում էին և այլն:

Յունահունմէական քաղաքակրթութեան շրջանում խելացի հոգատարութեան առարկայ են դառնում մարմնի ներդաշնակ զարգացումն և վայելչակազմութիւնը: Քրիստոնէութեան հաստատուելովը մարմնի դաստիարակութեանը վերջին տեղն է տրուում. սկսեցին այնուհետև գլխաւորապէս և անդադար հոգ տանել հոգու մասին, մինչև անգամ մարմինը յայտարարեց իբրև հոգու բանտ: Փիղիքական և առողջապահական հիմնարկութիւնների բացակայութեան շնորհիւ ժամանակի ընթացքում հետզհետէ աւելի մեծ չափով վերականգնեց մարմնի արհեստական խնամատարութիւնը, և երեւցին պարիկներ (կեղծ մազեր), արհեստական խալեր, երեսի փոշի (пудра), սնգոյր, շպար, կորսեաներ, երկայն կրունկներով կօշիկներ և այլն: Ներկայ ժամանակի գեղեցկուհին իսկապէս կիսով չափ բնական գեղեցկուհի է, իսկ միւս կիսովն՝ արհեստական, շնորհիւ իր հագուստի և առհասարակ արդուզարդի չափազանց բարդ և շքեղ լինելուն: Մեր ժամանակի գեղեցկուհիները

դրանով են զանազանում յոյն և հռոմայեցի գեղեցկուհիներից, որոնք իրօք գեղեցկուհիներ էին շնորհիւ բնական Փիղիքական դաստիարակութեան:

Հոգու դաստիարակութիւնը զանազան ժողովրդների մէջ և զանազան ժամանակներում նոյնպէս կրում է իր վրա արհեստականութեան հետքեր: Ամենագլխաւոր առաքինութիւններից մէկը, որին ընտելացնում էին ծնողները իրանց զաւակներին, հնազանդութիւնն էր: Ի՞նչ է հնազանդութիւնը: Հնազանդութիւնն է իր կամքը հպատակեցնել ուրիշի կամքին, որևէ կողմնակի հեղինակութեան: Հնազանդութիւնն ինքնըստինքեան մի անհաճոյ դրութիւն է, որովհետև իւրաքանչիւր կենդանի արարած ձգտում է իր գործողութեան մէջ իրականեցնել իր սեփական կամքը, իր սեփական ցանկութիւնները: Ի՞նչ հետաքրքրութիւն կարող է ներկայացնել իւրաքանչիւր մարդու համար կատարել ուրիշի հրամանները և ցուցմունքները. իւրաքանչիւրը սիրում է գործել այնպէս, ինչպէս ինքն է կամենում: Ազատութիւնից զրկելը, բանտարգելութիւնը, պարտաւորեւած ուրիշի կամքի համաձայն ապրելը, իր անհատականութեան ու ցանկութիւնների որևէ արտայայտութեան համար պատիժ կրելը՝ իսկապէս մի դժբախտ դրութիւն է, նոյնիսկ եթէ այդ վիճակի մէջ գտնուող մարդու նիւթականը լինի լիովին ապահով: Ուրիշի կամքին հպատակելն անախորժ է, թէկուզ այդ կամքն լինի բարի, անյողողող և հետևողական. բայց աւելի անտանելի է, եթէ այդ կամքը չար, թոյլ և փոփոխամիտ է: Այս վերջին տեսակի յատկութիւններ

սենցող կամքին հպատակելը մի թէ առաքինութիւն կը լինի: Նոյն իսկ լաւ յատկութիւններով օժտւած՝ ուրիշի կամքին հպատակելը զրկում է մարդուն ազատութիւնից և այն բաւականութիւնից, որ առաջանում է իր ցանկութեան համաձայն վարելուց: Մանուկների դեկավարութիւնը, ծնողական հեղինակութիւնը, իհարկէ, անհրաժեշտ են, միայն թէ այն չափով, որ չափով որ նրանք անփորձ են, չեն ճանաչում իրանց շրջապատող աշխարհը, ուստի և չեն կարող խելացի վարել: Այդ սահմանից դուրս մանուկների հպատակութեանը հասակաւորների ղեկավարութեանն և հեղինակութեանը չունի իր բաւարար հիմունքները: Հասակաւորները միշտ այդ սահմանից անցնում են, պահանջելով մանուկներից այն, ինչ որ հազիւ թէ հարկաւոր է լինում մանուկներին, և դժւար թէ կարելի լինի այդ վարժունքը արդարացնել խելացի դատողութեամբ:

Մանուկների կրօնական դաստիարակութիւնը չափազանց կարևոր է, բայց իրական կեանքում զրւանձ է նա արդեօք կանոնաւոր կերպով: Այդ խնդիրը մեր հասարակութեան շատ անդամների համար դժւար լուծելի խնդիր է: Հասակաւորներն իրանց կրօնական զգացմունքն արտայայտում են աղօթքներով, երգերով, ժամերգութիւնով, կրօնական գրուցատուութիւններով: Մանուկներին էլ սովորեցնում են բարեպաշտութեան միայն այդ արտաքին ձևերին, չըհոգալով հաղորդելու նրանց մանուկ հասակին մատչելի կրօնական հասկացողութիւններ, մանաւանդ չարթնացնելով մանուկների կրօնական զգացումը: Մանուկները մեծ մասամբ շատ

քիչ բան են հասկանում կրօնի արտաքին բարեպաշտութեան ձևերից, նրանք միայն սերտում են խօսքերը, իւրացնում են արտաքին նշանները, բայց չեն հասկանում թէ այդ խօսքերն ու նշանները ինչ են արտայայտում. մէկ խօսքով, նրանք չեն ըմբռնում այդ ամենի ներքին իմաստը: Մանուկներին սովորեցնել բարեպաշտութեան միայն արտաքին ձևերը, իհարկէ, աւելի հեշտ գործ է, քան թէ լուսաւորել նրանց սիրտն ու միտքը նրանց հասակին մատչելի ճշմարիտ կրօնական ուսումով: Այս խնդրի լրջութիւնը պահանջում է դաստիարակներից լուրջ ջանքերի գործադրութիւն:

Շատ ծնողներ իրանց զաւակների սկզբնական կրթութիւնը սկսում են օտար լեզուներից, սովորեցնում են մէկ, երկու և մինչև անգամ երեք օտար լեզուներ, պատճառաբանելով թէ մանկական հասակում յիշողութիւնը թարմ և սուր է, թէ մանուկն առանց դժւարութեան իւրացնում է օտար լեզուի բառերն և լաւ արտասանութիւնը, թէ անա այդ պատճառով օտար լեզուներ սովորելու ամենայրմար շրջանը մանկական հասակն է: Բայց արդեօք այդ տեսակ զբաղմունքները մանկական բնաւորութեան համար իսկական կարևոր պահանջ են թէ ծնողների մտքի հնարամտքը, մեծերի անձնական փորձառութեան, պահանջների ու հայեացքների հետևանքը: Ակնյայտնի ճշմարտութիւն է, որ օտար լեզուների ուսուցումն անկարելի է ընդունել իրրև ամենաբնական և համապատասխան զբաղմունք, համաձայն մանուկների պահանջներին:

Նոյնիսկ խաղերը, որոնք բոլորովին բնական և

անհրաժեշտ արտայայտութիւն են մանուկ հասակի ընաւորութեան, հասակաւորները աշխատում են արհեստական դարձնել: Երեխաների համար նրանք հնարում են խաղալիքներ, աշխատում են որ այդ խաղալիքները լինեն բարդ, խրթին և խորիմաստ: Յիզիքայում յայտնագործւում է մի նոր գիւտ թէ չէ, իսկոյն և եթ յայտնւում է երեխաների մի նոր բարեկամ և բարերար, որ այդ գիտնական դիւտը սրամտութեամբ յարմարեցնում է մանկական խաղի, և ահա նա նւիրում է երեխաներին մի նոր սրամիտ և ուսանելի խաղալիք: Շատերին դուր չի գալիս մանկական որևէ ազատ և համարձակ խաղ. նրանք աշխատում են այդ խաղը սխտեմի տակ դնել, տալով նրան խորիմաստ նշանակութիւն: Այդպիսով հասարակ գործը խրթնացնում, խճճում են և դարձնում արհեստական:

Ընտանեկան կրթութեան յիշեալ փաստերն ակնյայտնի են, նրանց գոյութեան մէջ դժւար չէ համոզել: Բայց կան ընտանեկան կրթութեան արհեստականութեան ուրիշ կողմեր ևս, որոնք աւելի խոր և աւելի վնասակար են: Անկանոն սկզբնական կրթութեան այս երկրորդ կարգի նշանները մեզ բերում են այն եզրակացութեան, որ ժամանակակից դաստիարակութիւնը ներկան զո՞հ է բերում ապագային, որ դաստիարակողների վրա նայում են ոչ թէ իբրև մանուկների և պատանիների, այլ իբրև ապագայ հասակաւոր մարդոց վրա, իբրև զանազան ասպարէզներում գործիչների վրա: Դաստիարակութիւնը ձգտում է ոչ թէ զարգացնի այն, ինչ որ կայ, այսինքն՝ մանուկներին ու

պատանիներին, այլ նախապատրաստի այն, ինչ որ պիտի լինի, այսինքն՝ նախապատրաստի հասակաւոր մարդոց: Ըստ երևութին դաստիարակութեան մասին ունեցած թէ մէկ և թէ միւս հասկացողութիւնը համարեա միևնոյն են, մերձաւորապէս համանման, բայց իսկապէս նրանք իրարից բոլորովին աւարբերում են. երկրորդ հասկացողութեամբ դաստիարակութեան գործը դառնում է արհեստական:

Մարդկային կազմաւածքի կեանքը բաժանւում է հասակների: Իւրաքանչիւր հասակ ունի իւր բնորոշ ֆիզիքական և հոգեկան կողմեր: Հասակների ընաւորութիւնները տարբեր են: Կան յատկութիւններ, որոնք յատուկ են միայն յայտնի հասակներին, և այդ հասակների անցնելուց յետոյ՝ անհետանում են, նրանց փոխարինում են ուրիշ յատկութիւններ, ինչպէս կաթնատամները փոխարինւում են իսկական ատամներով, բայց կան յատկութիւններ, որոնք անցնում են յաջորդ հասակներին, և միայն փոփոխւում են մարդկային կեանքի հետ՝ հետզհետէ կամ զօրանալով, կամ թուլանալով:

Երեխաները լիովին հաւատում են այն ամենին, ինչ որ նրանց ասում և խոստանում են: Երեխաները երկչոտ են. ամեն մի նոր երևոյթ, ըստինքեան բոլորովին անմեղ և անվնաս, մանաւանդ խոշոր չափով, նրանց մէջ առաջացնում է երկիւղի զգացմունք: Բոլոր այս յատկութիւնները զուտ մանկական յատկութիւններ են. դժբա մանկական հասակի հետ անյայտանում են, չեն անցնում յաջորդ հասակներին: Պատանիները զանազանւում են իրանց մտածողութեան

և գործողութեան գաղափարականութեամբ. նրանք կարծում են թէ միանգամից հնարաւոր է եթէ ոչ բոլորովին յեղափոխել աշխարհը, գէթ կարճ ժամանակում զգալի կերպով կերպարանափոխել նրան: Սրանք հասակի առանձնայատուկ զծեր են, որոնք անհետանում են պատանեկութեան հետ: Մանուկներին յատուկ է գթասրտութիւն, ճշմարտասիրութիւն. նրանք ընդունակ են որոշ տրամաբանական մտածողութեան: Մանկութեան հասակն անցնելուց յետոյ, այս գծերը չեն անյայտանում: այլ անցնում են յաջորդ հասակներին. այդ շրջաններում այս յատկութիւններից միքանիսը զօրանում ու զարգանում են, օրինակ՝ տրամաբանօրէն մտածելու ընդունակութիւնը, իսկ միւսները թուլանում են, օրինակ՝ ճշմարտասիրութիւնը և այլն: Պատանին ցոյց է տալիս մեծ եռանդ և հաստատակամութիւն իր մտադրած նպատակին հասնելու ձգտման մէջ. նա ցոյց է տալիս քննական վերաբերմունք դէպի հեղինակութիւնները. նա ընդունակ է վերացական մտածողութեան: Այս յատկութիւնները պատանեկութեան հետ չեն վերանում. թէկուզ վաղուց անցած էլ լինի պատանեկութիւնը, մեծ կամ փոքր չափով պահպանւում են վերացական մտածողութեան ընդունակութիւնը, քննական վերաբերմունք դէպի շրջապատը, նպատակին ձգտելու եռանդը. հասակի առաջ գնալով այս գծերից ոմանք զօրանում, իսկ միւսները թուլանում են: Յաջորդ հասակներին անցնող յատկութիւններն թւով աւելի սակաւ են, քան թէ անյայտացող առանձնայատկութիւնները:

այսպիսի  
 174 4  
 184 4

Դաստիարակութիւնն ինչպէս է արդեօք վերաբերում ժամանակի ընթացքում հասակների անյայտացող և փոխանցնող յատկութիւններին, միևնոյն թէ տարբեր եղանակով է գնահատում այդ երկու տեսակ յատկութիւններն և: Հոգում է արդեօք նրանց բոլորի զարգացման մասին, թէ միայն մի քանիսի: Դաստիարակութեան ժամանակ սովորաբար հոգում են և մըշակում են հասակների այն առանձնայատկութիւնները, որոնք անցնում են կեանքի յաջորդ հասակներին, իսկ ինչ վերաբերում է հասակների առանձնայատուկ, ոչ փոխանցնող յատկութիւններին, նրոնց զարգացնում են կամ գթկամակութեամբ, կամ աշխատում են խեղդել և արմատախիլ անել, համարելով նրանց ոչ թէ հասակներին յատուկ յատկութիւններ, այլ այդ հասակների պակասութիւններ:

Դաստիարակութիւնն այս կամ այն ոգով և ուղղութեամբ առաջ տանելու համար մեծ նշանակութիւն ունի որոշել. դաստիարակութեան նպատակը: Դաստիարակութեան նպատակն որոշում են զանազան կերպով: Ասում են՝ դաստիարակողից պէտք է պատրաստենք ջերմեռանդ քրիստոնեայ, հայրենասէր և լաւ քաղաքացի, կատարեալ և բախտաւոր մարդ, ճշմարտութեան, բարութեան և գեղեցկի անկախ սպասաւոր, առաջադիմութեան ժրջան գործիչ և այլն և այլն: Կարիք չըկայ մի առ մի քննել թէ դաստիարակութեան նպատակի այս որոշումներից որն է ուղիղ և որն ոչ. բայց կարևոր է մատնանշել բոլոր ենթագրած նպատակների երկու բնորոշ յատկութեանց վրա. առաջինն այն, որ

նրանք նշանաւոր չափով հեռու են դաստիարակութեան առաջին շրջաններից, երկրորդը՝ որ շատ սակաւաթիւ են սաների այն յատկութիւնները, որոնք ուշադրութեան են առնուում դաստիարակների կողմից: Դաստիարակութեան բոլոր ենթադրեաժ նպատակները դաստիարակի հայեացքն ուղղում են միայն դէպի հեռաւոր ապագան, թելադրում են թէ դաստիարակը պարտաւոր է պատրաստել իր սաներին ինչ որ նպատակի համար, որ ներկան մի հասարակ միջոց է միայն ապագայի համար և ինքնըստինքեան նշանակութիւն չունի. և եթէ ներկայում նա հասնում է կարևոր հետեւանքների, դրանք այնքան դին ունին, որքան մօտեցնում են այն հեռաւոր, հազիւ առկայածող նպատակին: Բայց երբ է ձեռք բերելու դաստիարակութեան նպատակը՝ դաստիարակողը, օրինակ, երբ է լինելու լաւ քաղաքացի: Անշուշտ միայն այն ժամանակ, երբ ոտք կը դնի քաղաքացիական կեանքի մէջ, երբ կը կատարի որոշեալ պարտաւորութիւններ և կը վայելի դրանց համաձայն իրաւունքներ, այսինքն՝ բաւականին ուշ: Դաստիարակողն երբ է լինելու բախտաւոր, կամ, ասենք օրինակ, առաջադիմութեան անկախ սպասաւոր: Հաւանական է, որ նա ամենեւին բախտաւոր էլ չըլինի. երբ մեծանայ, թերեւ առաջադիմութեան սպասաւոր լինի, բայց այդ ևս ոչ շուտով: Մինչդեռ ահա այդ հեռաւոր, շատ անգամ բոլորովին անիրագործելի նպատակների համար են ուղղում պատրաստել դաստիարակողներին, այդպիսի հեռաւոր և անհաստատ ապագայի համար հար-

կաւոր է լինում զոհել բոլորովին հաստատ և իրական ներկան:

Դաստիարակները՝ իրանց ուշադրութիւնը կենդրոնացնելով ապագայ հեռաւոր նպատակին հասնելու վրա, բնականաբար սակաւ են գնահատում ներկայի պահանջները: Ինչ որ իրանց աչքի տակ է, վատ են տեսնում, այսինքն դաստիարակողների հոսակների իսկական պահանջները:

Դաստիարակութեան վերոյիշեալ նպատակները դեռ լիովին չեն շօշափուում դաստիարակողների հասակների բոլոր յատկութիւնները, այլ միայն մի քանիսը. Մանկան բնական աշխուժութիւնը և սէրը դէպի խաղը արդեօք ինչ աւելնութիւն ունի քրիստոնէական բարեպաշտութեան հետ: Որպէս զի դաստիարակողից պատրաստել լաւ քաղաքացի, առաջադիմութեան սպասաւոր և այլն, հարկաւոր է արդեօք խրախուսել նրանց մէջ յատուկ հետաքրքրութիւնը թէ զսպել հարկաւոր է արդեօք թուլացնել թէ զօրացնել երեխաների դիւրահաւատութիւնը: Մանկական հոսակին սեփական շատ յատկութիւններ ոչ մի ուղղակի աւելնութիւն չունին կը թուութեան ենթադրեալ նպատակների հետ. նրանց կողմնակի աւելնութիւնն էլ շատ անգամ դժւար է որոշել: Բանից դուրս է գալիս, որ հասակների առանձնայատկութիւնների մեծ մասը դաստիարակութեան նպատակներին հասնելու համար կարևոր չեն և որ այդ նպատակների համար հարկաւոր է մշակել մի քանի յատկութիւններ: Այդ բանից ուղղակի այն է հետևում, որ դաստիարակութեան համար հար-



կաւոր են միայն մի քանի յատկութիւններ, որոնք կարեւոր են դաստիարակչական նպատակների համար, իսկ մնացեալները կարելի է անտես առնել: Այդպէս ևս լինում է դաստիարակութեան գործում, հասակների մնայուն և փոխանցական յատկութիւնները խնամքով են մշակուում, իսկ նրանց (հասակների) առանձնական գծերը մնում են արհամարհւած: Գործնական դաստիարակները և ծնողները սակաւ են հոգում դաստիարակութեան ընդհանուր տեսական խնդիրների լուսարանութեան և լուծման մասին. սրանց թւին են պատկանում դաստիարակութեան նպատակի խնդիրները. այս տեսակ խնդիրները նրանք համարում են մթին և վերացական, և նրանց գիտակցութեան մէջ այնուամենայնիւ մնում է այն, թէ դաստիարակողներին հարկաւոր է պատրաստել ապագայում մի ինչ որ բանի համար և թէ սաների ոչ բոլոր առանձնայատկութիւններն են արժանի ուշադրութեան: Ծնողները և գործնական դաստիարակները հեռաւոր ապագայի բաժակից չեն ընկնում, նրանք իրանց գործունէութեան համար ընտրում են աւելի մերձաւոր խնդիրներ, որոնք փոխ են առնւած նոյնպէս ապագայից, բայց ոչ հեռաւոր. միևնոյն ժամանակ այդ խնդիրներն աւելի պարզ գործնական են: Երեխան պէտք է սովորի դպրոցում, հետեւաբար հարկաւոր է աւելի շուտ և լուրջ պատրաստել դպրոցի համար. այդ նպատակին հասնելու համար հարկաւոր է ուսուցումն սկսել աւելի շուտ և հանգամանորէն: Դպրոցից դուրս գալուց յետոյ նորաւարտ երիտասարդը կեանքի մէջ աջողութիւն ունենալու

համար՝ պէտք է գիտենայ յարմարել ժարդոց, հանգամանքների հետ. ուստի դպրոցից դուրս գալուց առաջ նրան հարկաւոր է ընտելացնել կարգապահութեան: Եւ ահա մանկական հասակից սկսում են երեխային լուրջ կերպով ուսում տալ և վարժեցնել խիստ կարգապահութեան:

Ի՞նչ է պատահում արդեօք այն հասակների առանձնայատկութիւնների հետ, որոնք չեն անցնում յաջորդ հասակներին, այլ անյայտանում են երեխայի հասակ առնելովը: Ծնողները, դաստիարակները և առհասարակ հասակաւորներն ինչպէս են վերաբերում դէպի մանկական այդ յատկութիւնները: Հասակաւորները բարձրից են նայում հասակների առանձնայատկութիւնների վրա, ինչպէս անկատար, տհաս և սակաւարժէք յատկութիւնների վրա: Նրանց կարծիքով մասնակները և պատանիները բարոյապէս խակ, անկատար էակներ են. այն ամենը, ինչ որ նրանց յատուկ է ու բնորոշ, հարկաւոր է դուրս կորզել նրանց միջից, փոխարինել հասակաւորների յատկութիւններով: Իւրաքանչիւր հասակ ունի իր առանձին հայեացքները, ճաշակը, մտածելու և խօսելու ձևը, հասկացողութիւնը գեղեցկի և բարոյականի մասին: Իւրաքանչիւր հասակ ունի իր տրամաբանութիւնը, իր կրօնը, իր էստետիկան, իր բարոյականութիւնը: Իւրաքանչիւր հասակում ժարդն իսկական, ամբողջական և ինքնուրոյն մարդ է, և ոչ թէ զարգացման վերելք, որ տանում է դէպի իսկական, կատարեալ ժարդը: Մենք հասակաւորներս սակաւ ենք գնահատում մանուկների և պա-

տանինների մտքի և զգացմունքի առանձնայատկութիւնները, սակաւ ենք յարգում նրանց ինքնուրոյն անձնաւորութիւնը. աշխատում ենք նրանց մէջ մտցնել մեր հայեացքները և ճաշակը, մեր մտածողութեան և վարեցողութեան ձևը, մեր կրօնը, մեր էստէտիկան: Մենք համոզւած ենք մեր գերազանցութեան մէջ և պահանջում ենք նրանցից հնազանդութիւն. մենք յաճախ ծաղրում ենք մանկան պարզամտութիւնը և դիւրահաւատութիւնը. զարմանում ենք պատանու վառվռուն և յափշտակեղ բնաւորութեան վրա. այդ բոլորն օտարոտի և վատ է թւում մեզ, որովհետև հասակաւորներս ուրիշ տեսակ ենք մտածում և գործում: Մենք նեղութիւն չենք տալիս մեզ հասկանալու մանկութեան և պատանեկութեան առանձնայատկութիւնները. չենք թափանցում որոշ հասակի մտածման և զգացման եղանակի մէջ. չենք լուսաբանում մեզ համար, թէ որն է բնական, որն անհրաժեշտ այդ հասակներում: Եւ ինչու համար: Զէ՞ որ այն ամենը, ինչ որ յատուկ է մանկութեանն և պատանեկութեանը, կանցնի, կանհետանայ հասակի հետ. կըմնան միայն յաջորդ հասակներին անցնող յատկութիւնները: Ծնողներն էլ չեն քաշոււմ. նրանք թոյլ են տալիս մանուկներին և պատանիներին մնալ իսկական մանուկներ և պատանիներ, ապրել իրանց հասակներին յատուկ կեանքով միայն հանգըստութեան ժամերին, իսկ մնացեալ ժամանակ պատրաստում են նրանց ազգագոյի ինչ որ անորոշ նպատակի համար:

Մանկական և պատանեկական հասակների առանձ-

7004  
86257  
73998

նայատկութիւնները յաճախ յայտարարում են իբրև թերութիւններ. նրանց դէմ կռիւ են մղում, աշխատում են արմատախիլ անել:

Ինչ շատ ժամանակ չէ անցել, ինչ մանկական արագաշարժութիւնը, աշխուժութիւնը, անկեղծութիւնը համարում էին իբրև թերութիւններ և այդ յատկութիւնների համար հալածում էին մանուկներին. շատ տեղ դեռ չէ վերացել հալածանքը: Մինչև այժմ էլ թերութիւններ են համարւում մանկան հոգեկան շատ առանձնայատկութիւններ, օրինակ՝ ուշադրութեան պակասութիւնը, շտապ դատողութիւն տալը, առանց քաշելու իր ճաշակի և ցանկութիւնների մասին յայտարարելը և այլն, որոնց դէմ նոյնպէս կուռւում են և աշխատում են փոխարինել աւելի պատուաւոր և վայելուչ յատկութիւններով:

Հասակների գոյութիւն ունեցող և գոյութիւն չունեցող բոլոր առանձնայատկութիւնների դէմ յաճախակի կռիւ է մղւում անխնայ կերպով և սիստեմաբար: Հասակաւորներն առհասարակ սակաւ են զնա՞առում մանկութեան և պատանեկութեան հասակների ընթրութիւնը. նրանք ցանկանում են, որ իրանց երեխաներն որքան կարելի է շուտով անցնեն այդ հասակները: Ծժկեր մանկան վրա նայելով, նրանք ցանկանում են, որ նա շուտով մեծանայ, սկսի ման գալ. 4-5 տարեկան երեխաներին սկսւում են ուսումնարանի համար պատրաստել և զօպել նրանց ինչ որ կրկնապէս երեխայութիւնները, տեսնելով զանազան անբարեխառն ուսումնարանի



Ուսումնարաններում մանուկներին և պատանիներին ուսուցանում են հասակաւորներին մատչելի ուսում և բարոյականութիւն: Այդ ճնշումների տակ տղայ և աղջիկ երեխաներն այնպէս արագ զարգանում են, որ իրանք ևս ցանկանում են հետեւել հասակին անցնել, ամօթ համարելով իրանց փոքրահասակ լինելը: Հասակաւորներն շարունակ նրանց կրկնում են, թէ դուք այս կըլինէք, այն կըլինէք ապագայում, կեանքի մէջ ձեզ պէտք կըզան այս և այն լատկութիւնները. այդ պատճառով մենք ևս ձեր մէջ այդ յատկութիւնները պէտք է զարգացնենք. իսկ ինչ վերաբերում է մանկութեան և պատանեկութեան հասակների հետ չքացող առանձնայատկութիւններին, նրանք պէտքական չեն, վերջապէս դրանք առաքինութիւններ չեն, այլ թերութիւններ, որոնք իբրև արգելքներ ընկած են զարգացման ճանապարհի վրա. հարկաւոր է նրանց ոչնչացնել և փոխարինել հասակաւոր մարդու բնաւորութեամբ:

Ահա այդ հայեացքների համաձայն հնարում են սկզբնական կրթութեան սիստեմներ, հիմնում են ուսման-կրթութեան հաստատութիւններ, կազմում ուսման ծրագիրներ, որոշում են բարոյական, էստետիկական և ամեն տեսակ ձևեր: Երեխաները ճնշւում, նեղւում են հասակաւորների հնարած ձևի մէջ, որ թոյլ չէ տալիս մանկան բնութիւնը ազատ զարգանայ և զօրանայ: Դաստիարակութիւնը այժմ բազմակողմանի չէ, այլ սահմանափակ և արհեստական, որովհետև դաստիարակողներ յատկութիւնների մեծ մասը արհամարհւում է, դուրս է ձգւում և ոչնչացւում, իսկ փոքր մասը

միայն մշակւում, թէև դրա հակառակն են պնդում, ասելով՝ որ երեխաները սովորում են գիտութիւններ, լեզուներ, երաժշտութիւն, ձեռագործ: Փոքր հասակները ըստինքնան արժէք չունին, միայն արժէք են ստանում, նայելով թէ ապագայի համար ինչպէս են պատրաստւում. այդ հասակները միայն աստիճաններ են, որոնց վրայով վեր պէտք է բարձրանայ մանուկը. որքան արագ անցնի այդ աստիճանները, այնքան աւելի լաւ:

Մարդս ներկայից շտապով գնում է դէպի ապագան. ներկան դեռ բաւականաչափ չըվայելած՝ նա քըշւում է դէպի առաջ ու առաջ: Ծերութեան հասակն է արդէն, բայց այդտեղ ևս դեռ նախապատրաստութիւնը չէ վերջացել, նրան ասում են՝ պատրաստելու գնալու դէպի նոր անվախձան կեանք, ուր չըկայ ոչ տրամութիւն և ոչ հառաչանք: Եւ այդպէս մարդս իր ամբողջ կեանքում միայն պատրաստւում է ապրելու և ոչ մի ժամանակ կարգին չէ ապրում:

Ընտանեկան դաստիարակութիւնը ազատ պիտի լինի որ և է արհեստականութիւնից: Նա կատարելագէս պիտի զարգացնի դաստիարակութեան հասակների բոլոր առանձնայատկութիւնները: Նա զգուշութեամբ և քնքշութեամբ պիտի վերաբերւի մինչև անգամ այն յատկութիւններին, որոնք անօգուտ են նոյնիսկ իրանց երեխաների համար (օրինակ՝ մանկական երկչոտութիւնը), հէնց այն պատճառով, որ դա առանձնայատկութիւն է և ոչ թերութիւն: Հարկաւոր է թոյլ տալ, որ երեխաներն անցնեն հասակների բոլոր յատկութիւնները: Ընտանեկան դաստիարակութեան նպատակները

և խնդիրները պիտի բղխեն ոչ թէ երեսմաներին օտար, կողմնակի, միայն հասակաւորների կեանքի մէջ նշանակութիւն ունեցող գիտումներից, այլ մանուկներից, նրանց անող կազմաւճիկից: Ընտանեկան կրթութիւնը պէտք է օգնի մանուկների կանոնաւոր և բազմակողմանի զարգացմանը. պէտք է շօշափի բոլոր յատկութիւնները, ոչ թէ նրանցից միքանիսը. աչքի առաջ չը պէտք է ունենայ որևէ նեղ և արտաքին նպատակներ, ինչպէս է՝ օտար լեզուների ուսումը կամ նախապատրաստութիւն ապագոյ ասպարիզի համար: Այս վերջին նպատակներին հասնելը համեմատաբար հեշտ է. միայն հարկաւոր է որոշ չափով հաստատամտութիւն և խստութիւն: Բայց դժւար է դրանով օգնել երեխայի հոգեկան և ֆիզիքական կազմաւճի կանոնաւոր և բազմակողմանի զարգացմանը: Այդ նպատակին հասնելու համար հարկաւոր է ունենալ լուրջ գիտնական պատրաստութիւն երեխայի կազմաւճի առանձնաչատկութիւնների մասին. այստեղ խստութեամբ ոչինչ չէ կարելի անել: Դեռ շատ ժամանակ չէ անցել, երբ մանուկների սկզբնական ընտանեկան դաստիարակութիւնը ոչ մի կասկած չէր յարուցանում ընտանիքում. այդ շատ հասարակ գործ էին համարում. ուստի գիտնական գրքերի ու տեսութիւնների էլ դիմելու կարիք չէին զգում: Ասում էին՝ մեր մայրերը և տատերն իրանք իրանց մեծացել են, ինչպէս դաշտի բոյսը, նոյն եղանակով էլ դաստիարակել են մեզ: Երեխան ինչով ուզում է թո՛ղ զբաղւի, միայն թէ լաց չը լինի, միայն թէ ուտի, վազվզի, խորը քնի,—անա ոչ հեռաւոր անց-

եալի բոլոր տեսութիւնը սկզբնական ընտանեկան կրթութեան մասին:

Այժմ այն չէ. մանուկների սկզբնական դաստիարակութեան մասին յօրինում են տեսութիւններ. այդ խնդրի մասին գրում են գրքեր, հրատարակում մասնազիտական թերթեր: Հասարակ և բնական գործը, որի իրագործման համար սրանից քիչ առաջ պահանջուում էր միայն մայրական սէր, այժմ խրթնացել, բարդացել ու դժւարացել է: Մայրերը պէտք է գիտենան կրթել իրանց երեխաներին: Երեխաներ ունենալու համար խելք հարկաւոր չէ, բայց նրանց իսկապէս կրթելու համար շատ-շատերին պակասում է խելք: Մանուկների սկզբնական դաստիարակութեան այդ տեսակ բարդութիւնը սրտեղից առաջացաւ և չէ՞ դրւած արդեօք արհեստական հիմքի վրա, որ իզուր դժւարացնում է մայրերի գործը:

Մանուկների սկզբնական կրթութեան բարդութիւնը առաջացել է նոյնքան բնական ճանապարհով, որքան բնական էր հնումը նրա անզարգացած ու կոպիտ վիճակը: Երբ մարդկային հետախոյզ միտքը ուշադրութեան է առնում մի որևէ առարկայ, նա յայտնագործում է նորանոր աշխարհներ այնտեղ, որտեղ առաջ կարծում էին թէ տիրում է միայն անսահման դատարկութիւն: Վերցնենք ամենահասարակ մի օրինակ: Մենք բոլորս ևս ապրում ենք տներում, օգտուում ենք ժամանակակից շինութիւնների յարմարութիւններով, և ըստ երևութին, կարծես, լաւ ճանաչում ենք տան կազմութեան մասերը, թէ ինչպէս է նա շինւած:

Բայց փորձեցէք ինքներդ տուն շինել, այսինքն՝ գնել նրա համար հարկաւոր բոլոր նիւթերը և հետեւել ու հսկել շինութեան կառուցման գործին, այն ժամանակ կը տեսնէք որ ձեր առաջ բացուած է նոր երևոյթներ զի ամբողջ աշխարհ: Դուք ապրում էիք տան մէջ, օգտուած էիք նրա յարմարութիւններով, դուք համարեա կոյրի նման էիք, բացի ընդհանուր ուրւագծից՝ դուք համարեա ուրիշ տեղեկութիւն չունէիք տան մասին: Ուշադրութեամբ հետեւելը շինութեան ընթացքին բացեց ձեր աչքերը: Նոյնն էլ պատահել է մանուկների սկզբնական կրթութեան գործում:

Մանուկների կեանքն ուսումնասիրող բանասէրներն որքան երկար ու լուրջ դիտում և քննում էին մարդու մանկական հասակը, այնքան աւելի համոզուած էին որ այդ հասակն երկարում, ձգուած և շրջանների է բաժանուած: Փոխանակ միակերպ, միաձոյլ և անորոշ երևոյթների, նրանք մանկան մէջ յայտնագործեցին զանազան յատկութիւններ, բնոյթներ, ուղղութիւններ և ձգտումներ: Այսպէս յայտնեց, որ մանուկը չափազանց բարդ էակ է, որի կեանքը չէ կարելի ամփոփել այն խօսքերով, թէ նա միայն ուտում է, վազվզում, քնում և աճում: Մարդու հետախոյզ միտքը դիտում է մանկան կարծես խոշորացոյցով, զանում է նրա մէջ բնորոշ առանձնատկութիւններ, մինչև անգամ աչքի ընկնող գծեր: Այդ գործողութիւնն անհրաժեշտ է, զանազանող և վերլուծող մտքի անխուսափելի պտուղն է այդ: Նրանից խուսափել, նրան աչքաթու պանել և նրանից ազատել անկարելի է: Հարկ կը լինէր

կանգնեցնել ժարդկային միտքը, որպէս զի մարդը կարողանար ապահովել իրան այդ տեսակ հետախուզութիւններից: Որքան իզուր կը լինէր գոչել՝ կանգ առ ժամանակ, մի անցնիլ, երիտասարդութիւն, այնքան էլ իզուր կը լինէր կանգնեցնել մարդու մէջ հետախոյզ մտքի շարժողութիւնը:

Մանկան կազմաւածքի ֆիզիքական կեանքը և գործունէութիւնը վաղուց ընդհանուր ձևով յայտնի էին. բայց աւելի ուշագիր և մանրադնին ուսումնասիրութիւնը լուսարանեց շատ նոր երևոյթներ և պայմաններ, որոնցից կախած է մանկան մարմնի գործարանների կանոնաւոր և աջող զարգացումը, ցոյց տուց մի կարգ միջոցներ նախապաշտպանելու երեխաների քնքոյշ գործարանները պատահական զանազան փլամներից: Առաջին և զլիսաւոր տեղը բռնում է երեխաների լաւ և առատ անդառութիւնը. առաջացաւ մի ամբողջ գիտութիւն՝ թէ ինչպէս պէտք է խնամել մանկան բարդ և շուտով փլասող կազմաւածքը: Մանկան սկզբնական դաստիարակութեան համար պէտք է օգտուել գիտութեան այդ ճիւղից: Առաջին խնդիրը պէտք է լինի պատրաստել ամրակազմ, դիմացկուն, արագաշարժ, վազվզող և խաղալ սիրող երեխաներ, որոնք ձարպկութեամբ գործածիլ գիտենան իրանց մարմնի բոլոր գործարանները:

Երեխան ամենից առաջ պիտի լինի ինչպէս մի պնդակազմ և ուժեղ կենդանի, լաւ վազող, ցատկոտող, գոգոռացող, նոյնիսկ մասամբ կլուարար, ապա դրանից յետոյ կարելի կը լինի նրա մէջ հաստատել հոգեկան

բոլոր առաքինութիւնները: Բոլորովին իրաւացի է Բուսոյի այն նկատողութիւնը, թէ նախ քան իմաստասէր պատրաստելը, պէտք է պատրաստել չարածճի: Բնական կարգով երեխաների մէջ ֆիզիքականն առաջին տեղն է բրնձում, նա նախընթաց է հոգեկանին:

Մանկան հոգեկան կողմը ընդհանուր ձևով նոյնպէս յայտնի էր վաղուց հետէ, բայց այդ տեղեկութիւնները շատ աղքատ էին: Մանկան հոգեկան կեանքն սկիզբն է հասակաւոր մարդու. այդ էր այն բոլոր տեղեկութիւններն, որ ունէին ծնողներն այդ առարկայի մասին: Բայց թէ ինչ է այդ սկիզբն, ինչով է զանազանուում մանկան հոգեկան կեանքը հասակաւոր մարդու հոգեկան կեանքից, այդ մասին տեղեկութիւնը շատ սուկաւ էր. մանկան հոգեկան կեանքի մասին գիտութեանն այնքան պակասաւոր էր, որ չէր կարողանում բացատրել մանկան ստեղծագործական ունակութեան սկզբնաւորութիւնները, բնաւորութեան առանձնայատկութիւնները, նրա եաստիրական և բարեսիրական զգացմունքների սաղմերը: Ներկայումս մանկան հոգեկան աշխարհը բաւական չափով, թէև ոչ լիովին, բացւած է մեր առաջ, մանկան հոգեկան կողմի շատ երևոյթներ արդէն լուսաբանւած և հասկացւած են: Յայտնուում է որ մանկան հոգեկան կազմըւածքն ոչ պակաս բարդ է, քան թէ նրա մարմնի ֆիզիքական կազմւածքը, որ նրա մարմնական դործարանների ալյազանութեանը համապատասխան է նրա հոգեկան կեանքի զանազանակերպութիւնը: Եթէ մանկան մարմնի գործարանները քնքուշ և ֆլասուելու դիւրա-

թեք են, հօ շատ աւելի հեշտ և բազմաթիւ են հոգեկան գործողութիւնների բազմատեսակ աղաւաղումները և շեղումները կանոնաւոր ընթացքից:

Մանկան սկզբնական դաստիարակութեան նպատակն է հասկանալ որ նա ֆիզիքական և հոգեկան մի ինքնուրոյն կազմւածք է, բւստի և պարզ պէտք է ըմբռնել նրա ամենագլխաւոր առանձնայատկութիւնները և զարգացման ընդհանուր ընթացքը, պէտք է պաշտպանել նրան ամեն տեսակ անկանոնութիւններից և ֆլասակար արդեցութիւններից, պէտք է նպաստել նրա բազմակողմանի և օրինաւոր աճմանը: Այդ մի բարդ գործ է և հնարաւոր է միայն մարդու մասին մի կարգ ընդարձակ գիտութիւնների (մարդաբանութեան) օգնութեամբ: Այդպիսի սկզբնական դաստիարակութիւնը, ի հարկէ, չի լինի արհեստական, մտացածին, այլ մարդկային հետախոյզ մտքի անհրաժեշտ հետևան, օրգանական գործունէութիւն: որ յենուում է գիտութեան վրա: Այդ տեսակ գործունէութիւնը հայրերից և մայրերից պահանջում է լուրջ պատրաստութիւն, մանաւանդ մայրերից, որոնց վրա գլխաւորապէս ընկած է մանուկների սկզբնական դաստիարակութիւնը: Միևնոյն ժամանակ մանկավարժական դրականութեան պարտաւորութիւնն է մայրերի համար սկզբնական դաստիարակութեան մասին կազմել համաձայն օժանդակ գրքեր և ձեռնարկներ:

Այդպէս, մանուկների սկզբնական դաստիարակութիւնը պէտք է հեռու լինի որ և է արհեստականութիւնից. նա պէտք է լինի օրգանական մի գործու-

նէութիւն, որ աչքի առաջ ունի դաստիարակելի հասակների բոլոր առանձնայտկութիւնները, ոչ թէ նրանցից միայն մի քանիսը՝ և հաստատուած պէտք է լինի մարդու մասին եղած գիտութիւնների վրա: Ուրեմն դաստիարակութիւնը պիտի լինի անհատական: Մեզանից իւրաքանչիւրիս ուսերի վրա ծանրացած է մեր առանձնական ժառանգակաճնութիւնը: Մեր ետեր կանգնած են մի շարք նախահայրեր, որոնցից իւրաքանչիւրն ունեցել է իր առանձնայատկութիւնները: Այդ առանձնայատկութիւններն անդրադառնում են մեր ժարմնական և հոգեկան ընդունակութիւնների վրա, մեր նախահայրերը շարունակում են ապրել մեր մէջ, ինչպէս մենք պէտք է ապրենք մեր սերունդների մէջ: Ժառանգական յատկութիւնները կազմում են մեր առանձին գծերը, որոնցով մենք տարբերոււմ ենք ուրիշներից: Ժառանգական առանձնայատկութիւնները լինում են երկու տեսակ—անձնաւորութեան բազմակողմանի զարգացման համար նպաստաւոր և աննպաստ: Առաջին տեսակի յատկութիւնները պէտք է պահպանել և ամրապնդել, երկրորդ տեսակինը՝ ճնշել և մինչև անգամ արմատախիլ անել: Զանազան ժառանգական յատկութիւնների վրա աւելանում են և անձնաւորութեան զարգացման առանձնայատկութիւնները, որոնք իւրաքանչիւրի համար մասամբ ինքուրոյն են, որոնք նոյնպէս իրանց առանձին կնիքն են դնում մեր վրա: Այսպէս՝ անհատականութիւնը կազմւում է ժառանգական առանձնայատկութիւններից և իւրաքանչիւրի զարգացման առանձնութիւններից: Դաստիարակու-

թեան ժամանակ անձնական տաճանութիւնները պէտք է աչքի առաջ ունենալ, եթէ ոչ՝ նա համապատասխան չի լինի որոշեալ անձի պահանջներին, կը լինի շարբօնական, չափազանց վերացական և անպէտք: Որոշեալ հանգամանքներում հարկաւոր է ընդհանուր օրէնքները ձևափոխել և յարմարեցնել անհատականութեան: Անհատը է անհատական գիտնական մանկավարժութիւն ստեղծել, որովհետև գիտութիւնը գործ ունի ընդհանուրի հետ և ոչ մասնաւորութիւնների: Դաստիարակութեան ընդհանուր սկզբունքները յարմարացնել որոշեալ անհատի առանձնայատկութիւններին՝ կախւած կը լինի ծնողների և դաստիարակների ճարտարութիւնից և նրանց ստեղծագործական ոգուց: Այդ իսկ պատճառով ընտանեկան դաստիարակութեան համար մարդ որքան և զինւած լինի գիտնական սկզբունքներով, այնուամենայնիւ մանուկներին դաստիարակողների համար կը մնայ դարձեալ բւաւական ընդարձակ ասպարէզ, ուր մեծ գործ կարող են կատարել նրանց ստեղծագործական և խորամուխ ոգին, ճարտարութիւնը, վարեցողութեան եղանակը և փորձառութիւնը: Անհրաժեշտ է աւելացնել, որ դաստիարակութեան գործում անձնական ստեղծագործական ոգին արդիւնաւոր կը լինի, եթէ միայն զրա հետ միացած է և գիտնական ընդարձակ պատրաստութիւն: Մի որոշ անձնաւորութեան կրթութեան համար կարելի է գործ գնել միայն գիտնական ընդհանուր սկզբունքներ և ոչ թէ սեփական մտացածին ու ինքնահնար սկզբունքներ: Այդպէս, կանոնաւոր ընտանեկան դաստիարակութեան ամենագլխաւոր պահանջը,

ամենագլխաւոր խնդիրն այն է, որ նա լինի օրգանականանհատական:

## II

Ընտանեկան դաստիարակութեան ստաջին հիմունքը:

Մարդը՝ լինելով օրգանական անկախ և առանձնացած մի ամբողջութիւն՝ արտայայտում և զարգացնում է իր օրգանական-անհատական առանձնայատկութիւնները միայն անբաժան միացած թէ հասարակութեան և թէ արտաքին բնութեան հետ, որոնց մէջ ինքն ապրում է: Իրա համար էլ արհեստականութիւնից զերծ, կանոնաւոր և գլխովին բնական դաստիարակութիւնը հնարաւոր է, միայն երբ նա անբաժան է կեանքից և միացած է հասարակութեան և արտաքին բնութեան գործունէութեան հետ:

Կանոնաւոր դաստիարակութիւնը անպատճառ պէտք է որ լինի հասարակական: Երեխան պէտք է մեծանայ և զարգանայ իւր հասակակիցների հետ: Մենակ մեծացած երեխան, այսինքն՝ այն երեխան, որ մեծանում է հասակաւորների շրջանում առանց ընկերների, մի անբախտ երեխայ է. նա նման է ձկան, որին ջրից հանել ձգել են ուրիշ հեղուկի մէջ. թէև այդ հեղուկը լինի էլ շատ զրգուցուցել, բայց յատուկ չէ նրա կազմուածքին: Երեխայի անընդհատ միայն հասակաւորների հետ լինելը փաստակար է նրա համար: Հասակաւորներն

ունին իրանց յատուկ շահերն ու խնդիրներն, որոնք երեխայի համար անբնական և անհետաքրքիր են. հասակաւորների մտքերը և զգացումները պարզ և հասկանալի չեն երեխային: Հասակաւորները սովորաբար չըզիտեն վարել էրեխաների հետ, կամ չափազանց շատ և յաճախ խրատներ են կարգում նրանց գլխին, արգելում են, թոյլ չեն տալիս որևէ ազատ բայլ անելու, կամ չափից դուրս փայփայում ու համբուրում են, քնքշացնում ու երես տալիս. երբեմն նրանց շղմեցնում են բազմաթիւ ու բազմազան տպաւորութիւններով, երբեմն էլ չափազանց սահմանափակում են նրանց հորիզոնը: Հասակաւորը երեխաների ընկերութեան մէջ ստիպւած միշտ աշխատում է յարմարել, նրանց հասկանալի լինել, երևալ միշտ խելացի, գիտուն, առաքինի, և իր հասակակիցների մէջ է միայն իրան ազատ զգում: Երեխան ևս հասակաւորների ընկերութեան մէջ իրան լաւ չէ զգում, նա միշտ իրան գոռ է անում նրանց հասկանալու և նրանց հասնելու. նա էլ իր կարգին ստիպւած է լինում կեղծ փայտէ ոտների վրա բարձրանալու, որպէս զի մեծերին հաւասարել: Երեխան իրան բոլորովին լաւ և ազատ է զգում միայն երեխաների հետ: Հասակաւորը երեխաների հետ միշտ ստիպւած իրան ցած և զգուշ է պահում. երեխան էլ հասակաւորների հետ արհեստական կերպով իրան ձգում, երկարացնում ու լարում է, որ իր համար անորոշն ու անհասկանալին հասկանայ: Թոյլ տանք իւրաքանչիւրին իրանց բնական հասարակութեան մէջ մնալու, հասակաւորին՝ հասակաւորների, երեխաներին՝



երեխաների, այլապէս կեղծիք ենք մտցնում թէ հասակաւորի և թէ երեխայի կեանքի մէջ: Երեխաները մտաւոր և բարոյական կողմից աննկատելի կերպով միմեանցից շատ բան են սովորում, և այդ երեխայական փոխազարձ ուսուցումը չէ կարելի փոխարինել հասակաւորների որևէ նոյնիսկ ամենախորիմաստ դասերով: Միասին ապրող երեխաները և հասակաւորները չեն կարող լիովին պարզ հասկանալ միմեանց, և այդ պատճառով հասակաւորները նոյն իսկ չեն կարող մանկութեան մի քանի կողմերը շօշափել: Թող երեխաները իրանք իրանց խաղան, ըստ կարելոյն իրանք իրանց ուսանեն, թող իրանք իրանց օգնեն, թող իրանց գլխի ճարը տեսնեն, միայն իհարկէ հասակաւորների անհրաժեշտ օգնութեամբ և ղեկավարութեամբ: Մենք այնքան սակաւ ընդունակ ենք միասին գործ բռնելու, մեր մէջ այնքան սակաւ զարգացած է հասարակական գործունէութեան բնազդը, այնքան հեշտութեամբ միմեանցից բաժանուում, ցրուում ենք ու պատահած առաջին դժւարութեան զէպըում երեսի վրա ձգում ընդհանուր գործը, որ պարտական ենք մեր երեխաների մէջ զարգացնել և ամրացնել հակառակ յատկութիւնները: Ամենից առաջ երեխաների մէջ պէտք է դաստիարակել ընկերակցութիւն, նրանց մէջ պէտք է զարգացնել և ամրացնել թէ անձնական ինքնօգնութեան և թէ հասարակութեան օգնելու ընդունակութիւնը: Իսկական մարդը նա է, ով զօրեղ է, ինքնավստահ, անվեհեր, և ովոր այդ յատկութիւններն

երևան է հանում ընդհանուր և հասարակութեան համար օգտակար գործերում:

Որովհետև երեխաների մէջ հասարակական ոգի դաստիարակելը շատ կարևոր խնդիր է, ուստի մենք անհրաժեշտ ենք համարում փոքր ինչ երկար կանգ առնել այդ կողմի զարգացման վրա մանուկների սրկղբնական դաստիարակութեան ժամանակ:

Մարդկային յարաբերութիւնների մէկ ձևը պետութիւնն է: Պետական ձևի, կեանքի նշանակութիւնը մարդկութեան համար մեծ է և բարերար, բայց մարդոց յարաբերութիւնների այդ ձևը միայն չէ կարող մարդուն բախտաւորացնել: Պետութեան մէջ առանձին անհատը կլանուում է. պետութիւնն ունի այնպիսի ընդհանուր, ընդարձակ, անդէմ շահեր, որոնց հասնելու համար չէ կարող ուշադրութիւն դարձնել առանձին անհատների վրա. սրանք պէտք է ծառայեն պետութեան ընդհանուր շահերին, պէտք է իրանց զոհ բերեն այդ շահերին: Պետութիւնը չէ կարող նպաստել անհատի զարգացմանը, որովհետև նա անհատների վրա նայում է իբրև հասարակական շինութեան նիւթի վրա: Պետութեան շահերին զուգընթաց գնում են անհատական շահերը: Անհատը չէ կարող ամբողջովին պետութեան անդամը դառնալ, ապրել միմիայն նրա շահերով և հոգսերով, նա ունի իւր սեփական հոգսերն ու շահերը, որոնք յաճախ չեն համապատասխանում պետութեան շահերին: Ծագում է կռիւ անձնական և պետական շահերի մէջ, անհատը աշխատում է խախտել պետութեան շահերը, գերակշռութիւն տալով անձնական շահերին:

Անհատն չէ կարողանում վերջնականապէս կանոնաւոր յարաբերութեան մէջ գտնուել պետութեան հետ, նա չէ կարողանում թէ իր շահերը պաշտպանել և թէ ճշմարտութիւն պահպանել դէպի պետութիւնը. անհատը միշտ ստիպւած է լինում կամ իրան զոհել պետութեանը, կամ պետութիւնը իրան. իրան զոհել պետութեանը համար արդէն չափազանց մեծ առաքինութիւն է, իսկ պետութիւնը զոհել իրան՝ այդ էլ չափազանց շահասիրական է:

Պետական և անձնական շահերի մէջ ընկած են հասարակական շահերը: Նրանք այնպէս ընդարձակ չեն, ինչպէս պետականը, և այնքան էլ նեղ ու սահմանափակ չեն, որքան անձնակոտնը: Նրանք դուրս են հանում անհատին իր անձնական փոքրիկ ու նեղ շահերի շրջանից՝ մտցնում են նրան միասնական գործունէութեան ընդարձակ ծովը. նրանք մի բնական միջանցք են անձնական շահերից դէպի պետականը: Պետական շահերը լինելով ամենաընդարձակ և ընդհանուր, նրանց չըպէտք է համարել ամենավսեմը և կարևորը մարդկային կեանքի մէջ: Պետական շահերը մեծ չափով նիւթական և ձեական բնաւորութիւն ունեն. նրանց աւարկան կազմում են յաճախ մարդկային բազմութիւնների բարեկեցութիւնը և նիւթական ապահովութիւնը. դրանք ի հարկէ նոյնպէս բարձր խնդիրներ են, բայց հասարակական շահերը նրանով են կարևոր, որ միացնում են անձնական սկզբունքները հասարակաց շահերի հետ, ուրիշի շահերի հետ միասին նրանք բաւականութիւն են տալիս անձնական ճաշակներին, հայեացքներին և պահանջներին: Այդ իսկ պատճառով հասարակական

շահերը ընտանի են առանձին մարդոց, աւելի հասկանալի են նրանց, աւելի սիրելի նրանց սրտին և մտքին, քան թէ պետական շահերը: Հասարակական շահերը կենդանի գործունէութեան, ոգևորութեան, անձնական ձեռնարկութեան աղբիւր են: Երբ մարդ ապրում է միայն պետական շահերով՝ կեանքն ձանձրալի և տխուր է լինում. պետական կեանքի եղանակը չափազանց միակերպ և ուղղադիժ է. դրան հակադիր են հասարակական բազմատեսակ և կենդանի շահերը: Լի կեանքով մարդ ապրում է միայն այն ժամանակ, երբ նա գործունէ այնպիսի է և՛ պետութեան և՛ հասարակութեան: Կարիք չըկայ ասելու, որ մենք աւելի շատ ապրում ենք մեր անձնական շահերով, աւելի սակաւ պետական, իսկ ամենամեծ՝ հասարակական շահերով. այդ պատճառով էլ մեր կեանքն այնպէս անզոյն ու աղքատիկ է. մենք յաճախ չենք կարողանում ըմբռնելու կեանքի էութիւնը. մինչև անգամ կեանքը մեզ անհամ է թւում, և ձգտում ենք դէպի անզոյութիւն. Հասարակական շահի բացակայութիւնը՝ բարոյականութեան պակասաւոր կողմ է: Պետութիւնը արգելում է յանցանքը և պատժում է յանցաւորին, բայց չէ վարձատրում առաքինութեան համար: Ով յանցանք չի գործում և վճարում է պետութեան տուրքն ու հարկը, պետութեան հայեացքով նա առաքինի մարդ է. բայց միևնոյն ժամանակ նա կարող է լինել հասարակութեան ամենափնասակար անգամը, ունենալով կորստաբեր ազդեցութիւն իր հասարակական գործառնութեամբ: Այն մարդը, որ եսական շահերից դուրս չէ ճանաչում

հասարակական շահեր, նա իր գործունէութեան մէջ չունի խելացի, ընդարձակ և ղեկավարող սկզբունքներ, որովհետև պետական սկզբունքները բաւական չափով բացասական են և շատերի համար ևս պարզ ու համոզեցուցիչ չեն:

Հասարակական շահերը չըպէտք է նոյնացնել բարոյական շահերի հետ: Հասարակական շահերը կարող են լինել զանազան արժէքի. նրանք կարող են լինել և բարոյական, որովհետև բարոյական պատէրերը որոշեալ հասարակական գործունէութեանց երաշխիք են. նրանք բարոյականութեան վերաբերմամբ կարող են լինել և անտարբեր, երբ վերաբերում են գիտական առարկաների, գեղարուստի, առևտրի և մարդկային կեանքի զանազան կողմերին. նրանք կարող են լինել բարոյականութեան հակառակ, երբ նրանց առարկան է մէկ դասակարգի կամ կուսակցութեան բարեկեցութիւնը ի հաշիւ ուրիշ դասակարգերի և կուսակցութիւնների:

Երբ խօսք է լինում հանրակեցութեան մասին, իսկոյն և եթ մարդ մտաբերում է Արիստոտէլի խօսքերը թէ մարդը հասարակական էակ է: Այդ խօսքերի հիման վրայ, ուրեմն կարիք չըկայ հոգալ մարդու մէջ զարգացնելու հանրակեցութիւնը, որովհետև այդ նրա բնութեան իսկական յատկութիւններից մէկն է. միայն արգելք չըպէտք է լինել այդ բնածին յատկութեան երևան գալուն, իսկ զարգանալ նա կարող է ինքնիրեն: Այդպէս է իբր թէ մարդու բնութիւնը:

Մենք չենք կարող համաձայնել վերոյիշեալ կար-

ծիքի հետ: Մարդու բնութիւնն աւելի եսական է, քան թէ հասարակական. մարդկային բնութեան հասարակական տարրերը շատ թոյլ են համեմատած եսակա- նի հետ: Մարդն ի բնէ ունի բազմաթիւ պահանջներ, որոնց կարող է բաւականութիւն տալ միայն ուրիշ մարդոց օգնութեամբ, նրանց հետ միասին: Բայց դեռ այդ պահանջները չեն առաջացնում ընդարձակ հանրակեցութիւն, չընայելով դրան մարդը հակամիտ է առանձնակեցութեան, կղզիացած կեանքին:

Ըստ երևոյթին բնական պահանջները պէտք է որ շատ վազ սերտ կերպով մտերմացնէին և միացնէին սարքեր սեռի անձերին այն ըջիջի մէջ, որ կոչւում է ընտանիք: Բայց իսկպպէս այդպէս չէ եղել. երկար ժամանակ ընտանիքը գոյութիւն չունէր, իսկ սեռերի մէջ մարմնական յարակցութիւնը եղել է կարճատև. կրքի թափն անցնելուց յետոյ մարդը թափառում էր դարձեալ միայնակ, հանդիպման ժամանակ կասկածանքով նայելով իր ընկերակիցներին:

Սկզբնական առանձնակեցութիւնը հետցհետէ տեղի է տալիս և մարդը հասնում է ընտանեկան կեանքի շրջանին: Հիմա էլ յայտնուում է առանձնակեցութեան մի ուրիշ ձև, ընտանեկան առանձնակեցութիւն: Ընտանիքը մարդու համար լինում է նրա ամբողջ աշխարհը. նրա շահերը զուտ ընտանեկան են, նրա աստուածները ընտանեկան են, նրա լեզուն կրում է մի առանձին ընտանեկան կնիք: Բացի ընտանիքից նա ոչ ոքի չէ կամենում ճանաչել, նրա ամբողջ թագաւորութիւնը, նրա աշխարհը ընտանիքն է: Այդ շրջանում

հայաստան էլ սպող ցլոյժնաւ մայրամազդ որդակ մի

առանձին ընտանիքները դեռ ևս չէին միացել աւելի ընդարձակ դաշնով:

Ընտանեկան հասկանութիւնը աստիճանաբար յաղթահարուում է, ընտանիքներն միանում կազմում են ազգեր, ցեղեր: Այն ժամանակ երևան է գալիս ցեղական հասկանութիւնը. մէկ ցեղ մի ուրիշ ցեղի վրա նայում է թշնամաբար, դորիացին յոնիացուն է ընդունում իբրև թշնամի, հոմմայեցին՝ էտրուսկին: Երբ միանում են ցեղերը, սկսում է թշնամութիւն ժողովուրդների մէջ: Օտար, նոյն իսկ գրացի ժողովուրդները յոյնի համար բարբարոսներ էին, հոմմայեցիների համար՝ թշնամիներ և հակառակորդներ: Նոյն իսկ ներկայումս գերմանացին խէթով է նայում ֆրանսիացուն, ֆրանսիացին՝ գերմանացուն, երկուսին ևս թակարդ է լարում անգլիացին և այլն: Լայն, մարդուն արժանալայել հանրակեցութիւնը դեռ շատ անկատար դրութեան մէջ է, որովհետև՝ եթէ հասկանանք հանրակեցութիւնը լայն մարդասիրական մտքով կը տեսնենք որ ոչ միայն օտար ժողովուրդների մէջ գեռ գոյութիւն ունեն միմեանց ղէմ հակահասարակական ձգտումներ և ընթացք, այլ և նոյն համարիւն ժողովրդի անդամների մէջ:

Եթէ դիտենք երեխաներին, կը տեսնենք, որ նրանք իրանց հասակի առաջին տարիներում վարում են բաւական փակ կեանք, հասարակութեան մէջ լինելու կարիք չեն զգում: Նրանք սիրում են որ մէկը լինի իրանց մօտ, մասնակցի իրանց խաղերին և զւարճութիւններին. բայց թէ այդ մէկն սով կը լինի, իրանց առաջին այ թէ մի ուրիշը, այդ միևնոյն է:

մէջ ընկերներ նրանց հարկաւոր չեն, թող լինի միայն մէկը, որ նրանց զւարճացնի, զբաղեցնի: Հասակակիցների ընկերութեան մէջ լինելու պահանջը յայտնուում է աւելի ուշ, 5—6 տարեկան հասակում. այն ժամանակ երեխաներն արդէն, ուղղակի հրճւում են ընկերութեամբ:

Բայց և այդ հրճւանքը իրօտ կաստիրական է. երեխան ընկերութիւնը սիրում է այն խաղերի համար, որ խաղում են միասին, այն բաւականութիւնների համար, որ նա ստանում է ընկերակցական խաղերից, բայց ոչ իրանց՝ ընկերների համար: Նա հանդիստ սըրտով բաժանուում է նրանցից, հեշտութեամբ փոփոխում է ընկերներին, ամառայ ընկերներին փոխում է ձմեռայ ընկերների հետ, դպրոցական ընկերակիցներին հառաչակ ծանօթների հետ, և գրա համար մի առանձին վիշտ չի զգում. պարզ է որ ընկերութիւնն երեխայի համար զւարճութիւն և բաւականութիւն ստանալու միջոց է, բայց իրանք ընկերները նրա համար սակաւ նշանակութիւն ունեն:

Մինչդեռ ընկերակեցութեան զարգացման համար անհրաժեշտ է, որ երեխաները գնահատեն ոչ միայն բաւականութիւնը, որ ստանում են ընկերութիւնից, այլ և ընկերներին, հասկանան նրանց վիճակը, հետաքրքրուեն նրանց վշտով և նրանց ուրախութեամբ:

Այդ նպատակին հասնելուն ի միջի այլոց՝ ուղղաւճ պիտի լինի դաստիարակութիւնը:

Երեխաների մէջ հանրակեցութիւն զարգացնելու առաջին պայմանն այն է, որ երբ երեխան պահանջ է

զգուճ հասակակիրներին ընկերութեան, պէտք է հնարաւորութիւն տալ այդ պահանջը լրացնելու: Այն երեխան, որ մեծանում է հասակաւորների շրջանում եւ սակաւ է գտնուում երեխաների ընկերութեան մէջ, զուրկ է մտում կանոնաւոր զարգացման ամենաէական պայմանից: Երեխաների ձգտումը դէպի ընկերութիւնը, ինչպէս վերը նկատեցինք, եւսասիրական բնաւորութիւն ունի. բայց նա այն կարեւորութիւնն ունի, որ՝ երեխային մտցնելով հասարակութեան մէջ, սակաւ առ սակաւ ընտելացնում է հասկանալ ուրիշի շահերը, սովորեցնում է միասնական գործունէութեան: Երեխայի սկզբնական անսահման եւսասիրութիւնը՝ շփուելով նոյնանման եւսասիրութիւնների հետ, հետզհետէ թուլանում, չափաւորում է. երեխայի գիտակցութեան մէջ սղոսկում է այն միտքը, թէ ոչ թէ ամենքն և ամեն բան աշխարհի երեսին ստեղծւած են միայն իր բաւականութեան համար, այլ կան ուրիշ շատերն ևս, որոնք ունեն նոյն ցանկութիւններն և նոյն իրաւունքները, ինչ որ ինքն ունի:

Որպէսզի երեխան հանրակեցութեան զարգացման համար ընկերակցութիւնից կարողանայ բազել ամենաշատ օգուտ, նրան բոլորովին ազատ պէտք է թողնել որ իր համար ընտրի ընկերներ և բարեկամներ, որոնք նրա մերձաւոր խաղակիցները պէտք է լինեն: Շատ յաճախ ծնողներն, իբրև թէ իրանց զուակների օգտի համար, բայց իսկապէս ի վնաս նրանց, նրանք վզին կապում են ընկերներ, յորդորում են ընկերանալ և բարեկամանալ այս ինչի, այն ինչի հետ, մինչդեռ իրանք զուակները որ և է հակամտութիւն

չեղոր դումաւորէն զայն ապ զիս յայն յիտաւյա շին տածում դէպի այդ անձնաւորութիւնները. լինում է որ երեխան համակրում է իր այս ինչ ընկերոջը, իսկ ծնողներն աշխատում են խախտել արդէն նրանց մէջ սկսւած մտերմութիւնը, իրանց զուակի համար անյարմար համարելով այդ անձի ընկերութիւնը և բարեկամութիւնը: Այդպիսով հասարակական զգացման զարգանալու հէնց առաջին րոպէում երեխայի գիտակցութեան մէջ սղոսկում է կեղծիք, երեխան զգում է իրան բռնադատւած, և հասարակական բոլոր յարաբերութիւնները թւում են նրան ձանձրալի և անհաճոյ. այնուհետև լաւ է համարում միայնակ մնալ, քան թէ խաղալ և ժամանակ անցնել այնպիսի ընկերոջ հետ, որն իրան հաճելի չէ:

Եթէ երեխան ընկեր է ընտրել իր ազատ կամքով և սրտի ցանկութեամբ, այն ժամանակ երկու ընկերներն միասին շատ գործի են ձեռնարկում, միասին զբօղում են կամ թէ միմեանց օգնում, միասին զքօնում են, խաղում են, պատրաստւում են որևէ բան կազմակերպելու և այլն: Մանկական այդ գործերը ոչ միայն չըպէտքէ խանգարել, այլ, ընդհակառակը, հարկաւոր է նրանց օգնել, խրախուսել, որ նրանք իրագործեն իրար տւած խոստումները, ի կատար ածեն միասնական աշխատանքները: Այդպիսի միասնական աշխատանքների մէջ է կայանում իսկապէս հասարակական գործունէութեան սկզբնաւորութիւնը, որովհետև նրանք ձեռնարկում և գլուխ են բերում ազատ, սեփական ձեռնբեկցութեամբ. գործի մէջ իւրաքանչիւր մասնակիցն աշխատում է յարմարել ընկերոջը, նրա հետ միաբան

աշխատել, որպէսզի, ըստ կարելոյն, ընդհանուր գործը հաւասար չափով կրկուսի գործունէութեան հետեւանքը լինի: Միաբան աշխատանքն առաջացնում է համոզմունք, թէ միասին գործել աշխատելն աւելի հեշտ է և աւելի ուրախ. եթէ որևէ արգելք է պատահում, աւելի հեշտ է նրան հեռացնել. եթէ գործը աջողութեամբ է վերջանում, ուրախութիւնն աւելի գորեղ և կենդանի է լինում. եթէ անաջողութիւն է առաջ գալիս, այդ էլ մեծ հոգս չի պատճառում, գործը կարելի է շտկել և միաբան ընդհանուր ուժերով աջող վախճանի հասցնել:

Չափազանց ցանկալի է, որ աշակերտներն իրանց մէջ կազմէին գանազան նպատակներ ունեցող միութիւններ, օրինակ՝ օտար լեզու, գիտութիւն, զեղարեւատ և արհեստներ սովորող, կենդանիներին հովանաւորող, չքաւորներին օգնող, ոտքով հեռաւոր զբօսանքներ կատարող և այլ այդպիսի միութիւններ: Իւրաքանչիւր միութիւն պարտաւոր է մշակել իր գործունէութեան գլխաւոր հիմունքները և միութեան իւրաքանչիւր անդամը պարտաւոր է անթերի կատարել ընկերութեան իր վրա զբաւ ընդ պարտաւորութիւնները. այլապէս արտաքսւում է անգամ լինելուց: Այդ տեսակ աշակերտական միութիւնները շատ են Անգլիայում, որտեղ հասարակական ինքնագործունէութիւնը բարձր զարգացման է հասել: Անկասկած է, որ այդպիսի միութիւնները նախապատրաստում են հասարակական ինքնագործունէութեանը կեանքի մէջ: Որովհետև այդ տեսակ միութիւնները բնական գործ են և ոչ թէ մասնաւոր սեփականութիւն անգլիացիների, ուստի նրանք

առաջ են գալիս և մեղանում, բայց ժրախտաբար սակաւ հովանաւորութիւն են գտնում ծնողների և ուսումնարանների ղեկավարների կողմից, երբեմն նկատուում են մինչև անգամ իբրև անպատշաճ երևոյթներ և հալածում են: Հազիւ թէ կարևոր լինի բացատրելու, որ մանուկների մէջ այդ տեսակ միութիւններն բնական են, մինչև անգամ անհրաժեշտ: Երեխաների մէջ հանրակեցութեան զգացում զարգացնելու համար դժւար է ցոյց տալ դրանից աւելի յարմար մի միջոց, որ կարողանար աւելի ճիշտ և արագ հասցնել մտադրւած նպատակին: Հարկաւոր է նկատել, որ այդ տեսակ միութիւններին մասնակցելը՝ ուսումնարանական կեանքը քաղցրացնում, դարձնում է նրան բովանդակալից և հետաքրքիր և ապագայում ծառայում է իբրև աղբիւր հաճելի և քաղցր յիշողութիւնների:

Արժէ յիշել Մ. Տ. Ալիսակովի պատմածները կազանում թատրոն հիմնելու և թիթեռնիկների ժողովածու կազմելու մասին, նոյնպէս՝ պրօֆեսօր Բողզանովի պատմութիւնները Միմբրիսկի պարտէզներում թըռչուններ որսալու մասին: Անշուշտ իւրաքանչիւր մէկը ունի այդ առարկային վերաբերեալ որևէ քաղցր յիշողութիւն իր աշակերտական կեանքից:

Ուսումնարանում իբրև բնական միութիւններ դասարաններն են: Իւրաքանչիւր դասարան ունի իր ընդհանուր շահերը՝ դասերը, ուսուցիչները, ընկերների յաճախ միևնոյն վարմունքը, ընդհանուր հանգստութիւնը, ընդհանուր շէնքը և այլն: Կեանքի բոլոր այդ ընդհանուր պայմանները մօտեցնում են միևնոյն դասարանի

աշակերտներին, առաջացնում են միատեսակ շահեր, համակրութիւնների և հակակրութիւնների միատեսակ պատճառներ: Այդ ընդհանուր շահերի հիման վրա, իւրաքանչիւր դասարան ներկայացնում է իրրև մի ինքնուրոյն հաւաքական ամբողջութիւն, որ ունի իր հոգևոր կերպարանքը, իր տարրեր յատկութիւնները, որոնցով խիստ և որոշ կերպով զանազանուում է բոլոր միւս դասարաններից: Ուսումնարանների ղեկավարները զբօրախտաբար նոյնպէս սակաւ ուշադրութիւն են դարձնում այդ ուսումնարանական բնական միութիւնների վրա, ինչպէս և ուշադրութիւն չեն դարձնում աշակերտների մէջ բոլոր միւս միութիւնները զարգացնելու վրա: Այդ պատճառով էլ ուսումնարանների դասարանները լինում են անգոյն, միակերպ, մէկը միւսին շատ նման: Շատ հազիւ է պատահում, որ ուսումնարանի մէջ մի որևէ դասարան ունենայ իր առանձին որոշ կերպարանքը: Մինչդեռ դասարանը կարող է մշակել իր ինքնուրոյն կերպարանքը, և այդ հնարաւոր է միայն բոլոր աշակերտների և աւելի իհարկէ՝ նրանց վարիչներին միահամուռ եռանդուն ինքնադործունէութեամբ: Դասարանը՝ ունենալով իր առանձին շահերը, պէտք է որ պաշտպանի նրանց թէ ուրիշների առաջ և թէ ուսումնարանի իշխանութեան առաջ, և դասարանի եռանդուն ինքնապաշտպանութիւնը պէտք է համարւի իրրև առաքինութիւն և ոչ թէ իրրև արատ, ինչպէս այդ սովորաբար ընդունուում է,

Երեխաների մէջ հասարակական ոգի, իրանք իրանց և ուրիշներին օգնելու ընդունակութիւններ

դաստիարակելու ժամանակ առաջ կը գայ մի էակաւ դժարութիւն, այդ այն է՝ որ աւագ սերունդն այդ գործի համար չունի ցանկալի յատկութիւնները: Ինչպէս յայտնի է, երեխայի ամբողջ զարգացման ընթացքի վրա մեծ ազդեցութիւն է գործում մեծերի օրինակը, կազմութիւնը այն հասարակական շրջանի, որի մէջ երեխան ապրում է: Եթէ աւագ սերունդը գլխից մինչև ոտքը լցւած է եսական շահերով, եթէ նրանք անդադար խօսում ու մտածում են միայն իրանց մասին, եթէ հասարակաց շահը համարում են իրրև մի գառանցանք, որով լուրջ և գործի տէր մարդը չը պիտի դբաղւի, իհարկէ, այդ տեսակ հայրերը զաւակներին դժար թէ ներշնչեն հասարակական ոգի: Դրա համար հողը չափազանց անյարմար է, այստեղ չի աճի և չի զարգանայ հասարակական ձեռներէցութեան և հաստատամտութեան ընդունակութիւնը:

III

Ընտանեկան դաստիարակութեան երկրորդ հիմունքը

Մարդը՝ լինելով հասարակութեան անդամ, միևնոյն ժամանակ զաւակ է արսափին բնութեան. նա մի հիւլէ է այն ահագին զանգաճի, որը կը սոււն է տիեզերքը, որի հետ մարդ ուզի-չուզի՝ շաղկապւած պիտի ապրի: Տիեզերական օրէնքները ծանրացած են մարդու վրա անշեղ գծում են նրա զարգացման ուղին: Այդ պատճառով սկզբնական կանոնաւոր դաստիարակութիւնը կարելի է իրագործել միմիայն անընդհատ յարաբերութեան մեջ գտնւելով բնութեան հետ:

Երեխաները վաղ մանկութիւնից սկսած, պէտք է մեծանան բնութեան ծոցում, գլխով-ուտքով պէտք է սուզուեն բնութեան մէջ: պէտք է համակեն այն բոլոր տպաւորութիւններով, զգացողութիւններով ու մտքերով, որ բնութիւնը առաջացնում է ամեն մի կենդանի հոգու մէջ: Երեխաները անպատճառ իրենք պէտք է զգան ձմեռայ ցուրտը. մրսեն, ճնապնդի խաղան, պաղի տան, գլուբեն ձիւնի մէջ, որպէսզի պարզ հասկանան ու զգան, թէ ինչպէս ցուրտը սառցնում է իրանց այտերն ու ականջները. նրանք պէտք է հրճեն ամառան վայելչութիւններով սունկեր և պտուղներ ժողովեն, լողան, նեղեն շոքից, փախչեն, ապաստան գտնեն անտառի ստեբում, թրջեն անձրևի տակ, ման գան ցելսերում. նրանք պէտք է կրեն ու զգան տարւայ բոլոր եղանակների առանձնայատկութիւնները, նրանց հաճելի և անհաճոյ կողմերը. նրանք իրանց աչքով պէտք է տեսնեն գիւղական աշխատանքները թէ դաշտում, թէ մարգագետիններում, թէ կալում, թէ ջրաղացում, պէտք է տեսնեն գիւղական տոները, գիւղական կեանքը, որ այնքան մօտ է բնութեան. նրանք պէտք է տեսնեն արեգակի ծագումը, մայր մտնելը, աստղերը, լուսինը, մէկ խօսքով՝ երեխան պէտք է ընտելանայ բնութեան զանազան երևոյթներին: Միայն այդ հանգամանքներում կարող կը լինեն զարգանալ նրա արտաքին զգացողութիւնները, միտքը կըմնի հասակին համապատասխան առողջ տպաւորութիւններով, և սիրտը կըզգայ մարդկային ամենապարզ ուրախութիւններն և տրտմութիւնները:

Շատ ցաւալի է, եթէ երեխան սկսում է ծանօթանալ բնութեանը պուրակներում և կենդանաբանական այգիներում:

Քաղաքն արհեստական միջնորմ է, որ բաժանում է երեխային բնութիւնից. պուրակները, կենդանաբանական այգիներն ամենևին չեն կարող փոխարինել արձակ, ազատ ու պարզ բնութիւնը: Քաղաքի կեանքը, որ գիշերը զարձրել է արթնութեան և զարճութիւնների ժամանակ, իսկ ցերեկայ նշանաւոր մասը քնի ժամանակ, իր արհեստական և ուժեղ գրգռումներով, իր սահմանափակ տարածութեամբ, լոյսի, օդի և կանաչի բացակայութեամբ՝ մեծ արգելք է հանդիսանում երեխաների կանոնաւոր զարգացման: Քաղաքը պէտք է թողնել հասակաւորներին՝ իրանց ժողովների, նիստերի, թատրոնական և այլ տեսարանների, գիտնական աշխատանքների և այլն համար. իսկ երեխաներին պէտք է տանել մարգագետինները, դաշտերը, անտառները: մի խօսքով՝ բնութեան գիրկը: Գիւղացին սովորաբար հանգիստ, նստած (уравновѣшенный) մարդ է, նա գիտի զարճանալ բնութիւնով, գիտի համբերել, կուել և չարչարել, գիւղի մարդը երկրի պաշարն է, նրա ուժերի և նորոգութեան աղբիւրն է: Քաղաքները ծրծու են գիւղի հիւթերը, իրանց գործարաններով և արհեստանոցներով փչացնում ու անբարոյականացնում են գիւղացուն. քաղաքները թէև ստեղծում են, ինչպէս ասում են, կուլտուրա, բայց իրապէս իրանց էութեամբ անյարմարութիւններ և արգելքներ են առաջացնում կեանքի կանոնաւոր զարգացման համար: Քաղաքի մար-



զիկ միշտ յուզւած, գրգռւած, անբաւական և նեար-  
դային են. կարծես միշտ մի բանի քամակից ընկած  
վազում են, բայց նրան չեն հասնում. չնչին բաների  
համար միշտ միմեանց հետ մրցում, թշնամանում,  
վերջն էլ գերեզման են իջնում ապշած, որ իրենց  
կեանքը լցւած է եղել միմիայն ոչնչութեամբ: Բընու-  
թեան հետ յարաբերութիւնը մարդուն՝ տիեզերքի հիւ-  
լէին՝ յատկացնում է իր որոշեալ տեղը, սովորեցնում  
է նրան անվրդով հնազանդել բնութեան օրէնքներին  
լինել բաջ տանջանքների և մահաւան ժամանակ: Այն  
մարդը, որի արմատները հողի մէջ են հաստատւած,  
չի ընկնում անհասկանելի զոռանցանքների ետեից և  
ոչ էլ երկիւղ կրում որ և է բանից:

Քաղաքակրթութեան և հասարակական կեանքի  
ներկալ վիճակում, ի հարկէ, երեխաների ահագին բազ-  
մութիւն զատապարտւած է մեծանալու և զարգանալու  
քաղաքներում. հետեւբար հարկււոր է հոգ տանել  
նրանց մասին, օգնութեան հասնել, ցոյց տալ միջոց-  
ներ, որոնք գէթ որոշեալ չափով՝ նրանց համար փո-  
խարինէին բնութեան մէջ անմիջական կեանքը. օրինակ՝  
կազմակերպել ամառնային զբօսանքներ, հաստատել  
տնային աւերիումներ, տիրրարիումներ և այլն:

Այդպէս ընտանեկան դաստիարակութեան ամե-  
նաբարձր և ընդհանուր (մասնաւոր նպատակների մասի  
չենք խօսում) նպատակն է, որ դաստիարակութեան բո-  
լոր միջոցներին տրւի բնական, օրգանական եւ անհա-  
սական բնաւորութիւն, և այդ նպատակը կարելի է իրա-  
գործել միմիայն այն ժամանակ, երբ դաստիարակող

— դան վարստի դանամ մանքարոյար դուամունայ վգմամկ

մանուկն իր կեանքն ու գործունեութիւնն անցնում է  
հասակակիցների օրջանում (վարում է հասարակ տիան  
կեանքը) եւ անմիջակ սն յարաբերութեան մեջ է գտնուում  
արտաքին բնութեան հետ:

Թարգմ. Միս. Աս.



— Կառուցողական մասնագիտական հաստատություն  
— Կառուցողական մասնագիտական հաստատություն  
— Կառուցողական մասնագիտական հաստատություն  
— Կառուցողական մասնագիտական հաստատություն  
— Կառուցողական մասնագիտական հաստատություն

ԲՈՎԱՆԴԱԿՈՒԹԻՒՆ

1. Ընտանեկան դաստիարակութեան արհեստականութիւնը և նրա տեսակները . . . . . 3
2. Ընտանեկան դաստիարակութեան առաջին հիմունքը . . . . . 28
3. Ընտանեկան դաստիարակութեան երկրորդ հիմունքը . . . . . 43



## ՄԱՆԿԱՎԱՐԺԱԿԱՆ ԳՐԱԴԱՐԱՆ

- I Երեխայի կրթութիւնը մինչև 6-տարեկան հասակը—  
Հենրիկ Վերնիցի. թարգմ. Ստ. Լիսիցեանի 25 կ.
- II Երեխայի բունը—Վիրենիուսի, թարգմ. Ստ. Լիսի-  
ցեանի: . . . . . 15 կ.
- III Երեխայի ազատութիւնը, Կ. Հ. Վենտցելի.—Մե-  
ծերն ու փոքրերը—տիկ. Իսահակսէնի. թարգմ.  
Ստ. Լիսիցեանի: . . . . . 15 կ.
- IV Սովորութիւնները, նրանց նշանակութիւնը ու կըր-  
թութիւնը—Կ. Ենիցկու, թարգմ. Մ. Ադ. և  
Ստ. Լ. . . . . 15 կ.
- V Պարզեանքն ու պատիժները ընտանեկան դաստիա-  
րակութեան մէջ—Ֆեսենկօի, թարգմ. Մ. 15 կ.
- VI Ո՞րտեղից է աշխարհ հկեղ քո փոքրիկ եղբայրը—  
Գալանդաուէրի, թարգմ. տ. Հ. Թոփչեանի: Մա-  
նօթացրէք կեանքի ծողման հետ—Տիկ. Սելմերի,  
թարգմ. Ստ. Լ. . . . . 15 կ.

ԳԻՆՆ Է 15 ԿՈՊ.

Հանապարհածախսը՝ խմբագրութեան վրա է  
Тифлисъ, Редакція «Аскеръ».